


Fundacion CINEARUBA ta cla pa e di dos edicion di 'Playa Film Festival 2022'



ORANJESTAD (AAN0: Tur cos ta cla pa e segun- do edicion di e festival di cine di Playa. E aña aki fundacion CINEARUBA a prepara un progama amplio yena cu tayernan, masterclassnan, peli- culanan y sesionnan di net- work.

E festival di cine lo tuma lugha durante e vacacion escolar di oc- tober cuminsando riba diahuebs 6 di october te cu diadomingo 9 di oc- tober na Ateliers '89 situa na dominicanessenstraat 34, net schuin tegenover di Maria College Mavo.

Tur e pelicularnan cu ta participando e aña aki den Playa Film Festival a pasa door di un evaluacion prome cu nan a bira e seleccion oficial. Un proceso cu a inicia riba 28 di januari di e aña aki pa medio di un 'film submission' unda cu a cuminsa ricibi peli- culanan for di tur parti di mundi. Riba 15 di augustus e posibilidad pa entrega pelicularnan a cera y a pasa pa evalua tur e pelicularnan ricibi.

E prome anochi di e festival lo inicia cu

e apertura di un exposi- cion di cine basa riba e trabaonan cinematogra- fico di e cineasta Juan Francisco Pardo kende e aña aki ta cumpli 30 aña como creador di con- tenido. Bishitantenan lo por experiencia diferente instalacionnan di arte in- spira riba e storianan di cada un di e pelicularnan di Pardo.

E nochi ta sigui cu e documentario 'New light - the Rijksmuseum and slavery' di e cin- easta Ida Does, Hulanda. E otro pelicularnan cu tambe lo wordo presenta riba e prome anochi ta 'Rasha' di Melissa Stran- gio, Hulanda y 'The last resource' di Kaylee Ree- berg hunto cu Juan Da- vid Villar, Aruba.



Riba e di dos dia di e festival lo inicia cu e masterclass di 'Script breakdown' unda cu e participantenan lo siña con pa break down un script den rekisitonan di produccion. Lo sigui cu e masterclass di 'Pro- duction schedule' cu ta enfoca riba programa- cion di talentonan, ekipo humano y localidadnan.

Atardi lo tin tayernan pa mucha cu ta 'Foley sound effect' cu ta siña muchanan di 7 pa 12 aña con ta traha efectonan di zonido pa un pelicula. Un otro tayer pa mucha ta di 'Play doh stop motion' aki lo traha un peli- cula uzando play doh.

E pelicularnan pa e di dos dia ta 'You and what army' di Jim Men- za, USA, 'Dande di Aru- ba' di Cindy Kerseborn, Aruba, 'Why we are un- happy in cities' di Zhao Gang, China, 'Beyond marks' di Leticia Lopez, Brazil, 'Donna' di Sonia Commandeur, Hulanda, 'Online crush' di Ron- ney Dotel, Aruba.

Riba e di tres dia lo tin 'Film language' masterclass cu ta ofrece un bista riba e nomber- nan tecnico y e nificacion di cada imagen of escena den pelicula. Pardo lo bay conduci un master- class unda e lo combersa riba e formula di cine cu e ta uza pa wanta e cos- tonan abao.

Pa e muchanan lo tin un 'Green screen acting' tayer unda cu e muchanan lo explora y



actua dilanti un green publico. screen.

E pelicularnan pa e di tres dia ta 'Opal' di Alan Bidard, Martin- que, 'Malpelo moun- tain of shark' di Kevin Mannens, USA, 'The greatest of all Tina' di Brody Gusar, USA, 'The sands of time' di James Hughes, UK, 'Perspek- tiva' di Rovendley Wel- vaart, Curacao.

Riba e ultimo dia di e festival lo tin re- piticionan di diferente masterclass, tayernan y pelicularnan. E anochi di diadomingo nuebe di oc- torber lo anuncia e gana- dor di pelicula cortico y pelicula largo premio

E publico ta esun responsabel pa vota pa nan pelicularnan faborito pa asina por selecciona e pelicularnan ganador di e festival di cine di Playa.

Tur ticket ta fungi como un 'day-ticket' cu ta duna e publico acceso riba tur e actividadnan durante ful e dia riba e dia cu nan compra e tick- et.

E contribucion di e publico pa medio di compra un ticket lo yuda fundacion CINEARUBA cu tur otro proyectonan cu ta enfoca riba desa- royo artistico y personal di muchanan y hobenan.